

## UMMET

### Položaj islamskoga ummeta

Vi ste narod najbolji od svih koji se ikada pojavio: tražite da se čine dobra djela, a od nevaljalih odvrćate i u Allaha vjerujete. A kad bi sljedbenici Knjige ispravno vjerovali, bilo bi bolje za njih;

ima ih i pravih vjernika, ali većinom su nevjernici (Ali 'Imran, 110)

1. Božiji Poslanik, s.a.v.a.: "Moj ummet je blagoslovljen ummet. Nije jasno da li su njegovi prvi najbolji ili njegovi posljednji." (Kenzul-'ummal, 34451)
2. Božiji Poslanik, s.a.v.a.: "Ovaj moj ummet je u okrilju milosti Božije." (Kenzul-'ummal, 34452)
3. Božiji Poslanik, s.a.v.a.: "Zaista, vi činite sedamdeseti ummet. Vi ste od svih njih najbolji i najpoštovaniji kod Allaha." (Kenzul-'ummal, 34462)
4. Božiji Poslanik, s.a.v.a.: "Obraduj ovaj ummet visokim položajem, pobožnošću, ugledom, (pomoći i učvršćivanjem moći na Zemlji." (Kenzul-'um-mal, 34465)

### Odličnici ummeta

Božiji Poslanik, s.a.v.a.: "Najbolji od moga ummeta jesu oni koji su ravnodušni spram .5

Ovoga svijeta, a žude za Onim svijetom." (Tenbihul-havatir, 2/123)

6. Božiji Poslanik, s.a.v.a.: "Najbolji od moga ummeta jesu oni koji su svoju mladost utrošili u pokornosti Bogu i u nastojanju da odviknu svoju dušu od ovosvjetskih zadovoljstava i usmjere je ka Onome svijetu. Zaista, njihova nagrada je sa Bogom, a najuzvišeniji je njihov položaj u Džennetu." (Tenbihul-havatir, 2/123)
7. Božiji Poslanik, s.a.v.a.: "Najbolji od moga ummeta su oni koji podnose kada se sa njima nerazumno postupa, koji opraštaju kada im se učini nepravda i koji su izdržljivi kada ih (uznemiravaju." (Tenbihul-havatir, 2/123)

## Srednji ummet

I tako smo od vas stvorili srednju zajednicu da budete svjedoci protiv ostalih ljudi, i da Poslanik bude protiv vas svjedok (El-Bekare, 143)

8. Imam Ali, mir neka je na nj: "Mi (Ehli bejt) smo Božiji svjedoci spram Njegovih stvorenja i dokaz Njegov na Zemlji, mi smo oni o kojima kaže Uzvišeni Allah: I tako smo od vas stvorili (srednju zajednicu." (Nurus-sekalejn, 1/134/406)

## Ono što je razlog dobra jednog ummeta

Božiji Poslanik, s.a.v.a.: "Moj ummet će biti stalno u dobru sve dok ljudi budu jedni druge .9 voljeli, povjereni im amanet vraćali, zabranjeno izbjegavali, goste poštivali, namaz obavljali i zekat davali." (El-Bihar, 69/394/77)

10. Božiji Poslanik, s.a.v.a.: "Ovaj ummet će biti pod okriljem Božije pomoći i zaštite sve dok njegovi učaći Kur'ana budu odvojeni od ulagivanja vladarima, učenjaci od opravdavanja postupaka bestidnih i grešnih ljudi, a njihovi prvaci od pomaganja grešnika. Kada učine nešto od pobrojanog, Allah će skinuti svoju ruku pomoći i zaštite sa njih i potčinit će ih silnicima." ((Tenbihul-havatir, 1/84

## Položaj islamskog ummeta na Onome svijetu

Božiji Poslanik, s.a.v.a.: "Ja ću na Sudnjem danu od svih vjerovjesnika imati najviše .11 sljedbenika." (El-Bihar, 7/130/1)

12. Božiji Poslanik, s.a.v.a.: "Zaista, u Džennetu postoji stotinu i dvadeset redova, od kojih (osamdeset čini moj ummet." (El-Bihar, 7/130/3

## Navala ummeta na islamski ummet

Božiji Poslanik, s.a.v.a.: "Brzo će se drugi ummeti okomiti na vas, kao što navale .13 izgledjeli na posudu hrane." Upita jedan od prisutnih: "Da li će to biti zato što će nas tada biti malo?" Odgovori: "Vas će biti mnogo, međutim, vi će biti poput pjene koju nosi poplava. Allah će iščupati strahopoštovanje iz srca neprijatelja vaših, a u vaša srca će se nastaniti klonulost." Jedan upita: "O Božiji Poslaniče, šta je to klonulost?" Odgovori: "Ljubav prema Ovom svijetu i odvratnost prema smrti!" (Et-Tešrifu bil-mu-nen, 307/438)

14. Božiji Poslanik, s.a.v.a.: "Kada moj ummet bude Ovaj svijet smatrao velikim, Allah će od

## Poslanikov strah za njegovim ummetom

Božiji Poslanik, s.a.v.a.: "Zaista, plašim se za svoj ummet u trima stvarima: pokoravanju .15 gramzivosti i tvrdičluku, slijeđenju strasti i zabludjelom predvodniku." (El-Bihar, 77/161/178)

16. Božiji Poslanik, s.a.v.a.: "Tri su stvari kojih se plašim za svoj ummet: zastranjenja nakon spoznaje, smutnje koja vodi u zabludu, strasti stomaka i spolnog organa." (Emalit-Tusi, 157/263)

17. Božiji Poslanik, s.a.v.a.: "Najviše me plaše tri stvari za moj ummet: (1) pokvarenost učenjaka, (2) raspravljanje licemjera na osnovu Kur'ana i (3) Ovoga svijeta koji vam siječe vratove - zbog toga ga osudite u sebi." (El-Hisal, 163/214)

18. Božiji Poslanik, s.a.v.a.: "Najviše čega se plašim za svoj ummet nakon mene tri su stvari: zabranjeno stjecanje imetka, skrivena strast i uzimanje kamate." (El-Bihar, 73/158/3)

19. Božiji Poslanik, s.a.v.a.: "Zaista, najviše čega se plašim za svoj ummet su strasti i duge nade. Što se tiče strasti, one udaljuju od istine, a duge nade čovjeka dovode u stanje da zaboravi na Onaj svijet." (El-Bihar, 70/75/3)

20. Božiji Poslanik, s.a.v.a.: "Zaista, najviše čega se bojim za vas je mali širk." Upita neko: "Šta je to mali širk, o Božiji Poslaniče?" Odgovori: "To je dvoličnost." (El-Bihar, 72/303/50)

21. Božiji Poslanik, s.a.v.a.: "Zaista, najviše čega se plašim za svoj ummet jeste rječiti znalac - licemjer." (Kenzul-'ummal, 28969)

22. Božiji Poslanik, s.a.v.a.: "Najviše čega se plašim za svoj ummet je blještavilo Ovoga (svijeta i njegovo mnoštvo blagodati." (Nurus-sekalejn, 4/579/91)